



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Sebastiani Henrici Penzingeri, Consistorialis  
Passaviensis, Decani, & Parochi in Trauttmanstorff ad  
Laitam Bonus Ordo Triplicis Formatae Concionis Moralis In  
Omnia Festa Sanctorum In Amplissima ...**

**Penzinger, Sebastian Heinrich**

**Solisbaci, 1698**

Concio Secunda. Textus: Pax vobis. Thema: Discordiæ, exitium parant.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)



## IN FERIA III. PASCHATIS.

## CONCIO SECUNDA.

*Pax vobis.* Lucae 24. cap.

*Textus.*

Sicut Pax, & Concordia, homines pacificos felices reddunt, sic discordia discordes damnat, & in exitium trahit.

*Thema.*



Discordiam esse odii matrem, calamitatum nutricem, pacis venenum, & infortuniorum exilium, gentiles agnoverunt; Discordia nihil non concutit, discussa evertit; unde dictum Pythagoræ: *Unitas est omnium rerum vita, & perpetuitas; dualitas, destructio & interitus.* Brusonius lib. 2. cap. 24. habet. *Discordia exitium præbet.* Audiamus Sacram Scripturam: *Quod si invicem mordetis, videte, ne ab invicem consumamini.* Paulus ad Galatas cap. 5. *Ubi zelus, & contentio, ibi omne opus prævum.* Jacobi cap. 3. *Sex sunt, quæ odit anima mea, dicit Dominus, & seprimum, quod destatur; videlicet eum, qui seminat discordiam inter fratres, huic extemplo veniet perditio sua, & subito conteretur, qui seminat discordias inter fratres.* Sap. 6. Ipse Christus prædicat Matth. 12. cap. *Omne regnum divisum contra se, desolabitur, & omnis civitas, vel domus, divisa contra se, non stabit.* Audiamus & Patres: *Triumphus demoniorum, est dissensio Christianorum,* scribit S. Augustinus Serm. 156, de tempore. Conformiter S. Hieronymus, Tom. 9. in Regiam Monarchiam: *Quidquid dividit inter fratres,*

*Exordium.*

*Textus Scripturæ.*

*Patres:*

*S. Augustinus.  
S. Hieronymus.*



S. Bernardus tres, infernus dicitur est. Horribilia sunt verba S. Bernardi de 41. de modo bene vivendi. *Maledictus homo, qui discordiam minat, qui pacem, & concordiam rumpit, adversus Deum, & Christo facit Injuriam.* Et iterum serm. 3. in Dedicatione Ecclesie: *Sicut in pace, factus est locus Domini, sic in discordia, loci fieri Diabolo, manifestum est.* Unde S. Laurentius Justinianus de Disciplinâ Conversationis Monasticæ. *Est contentio, ipsa Diaboli sagitta, ad perdendas animas, qui contentiosus existit, ut tiqui hostis in se immisiones admittit, diaboli ministerium operatur, discordia gratia lumen repellit.* S. Bonaventura ait, sermone Epiphaniæ. *Non poterit habere concordiam cum Christo, qui voluerit esse cum Christiano.* Et Origenes Tract. 6. in capitulo Matth. habet: *Consumit dissensus, sicut congregat consensus, separat Jesum, qui in medio consentientium invenitur.* Concordia cum S. Gregorio Papa 3. Part. post Admon. 24: *Audiantur gregorius seminatores, quod scriptum est, beati pacifici, qui Filii Dei vocabuntur, atque è diverso colligunt, quia si Filii vocantur, qui pacem faciunt; procul dubio Sathanae sunt Filii, pacem confundunt; omnes autem, qui per discordiam separantur à viriditate dilectionis arescunt.* Quàm nociva sit discordia imploratâ Dei gratiâ, Conceptibus deducam.

### CONCEPTUS I.

Confirmatio seu Deductio. Judicum cap. 9. narrat sacer Textus: *Misit Deus Spiritum pessimum, inter Abimelech, & habitatores Sichem.* Notate: Spiritus pessimum. Dæmon communiter malus Spiritus dicitur; pessimum ergo, quasi dæmone pejor notatur: Quis ergo ille Spiritus pessimus? S. Cajetanus in hunc locum, per hunc Spiritum pessimum, discordiam, sive rixam, malum affectum, dissensionem inter Abimelech, & Sichimitas intelligit: Discordia non dicitur simpliciter, Spiritus malus, sed pessimus. Cur pessimus? Experimentiâ teste, quo pejor est res aliqua, eò magis nocet; pessimum



ergo dicitur Spiritus discordiæ, ad indicandum, discordiam quàm maximè nocere; nocere animæ, & corpori. S. Ambrosius in cap. 5. ad Galatas, subscribit: *Dissensio fratrum, inimica est dilectionis, contentiones enim generant jurgium, cujus fructus est vitæ con- sumptio.* Noverat hoc David.

## CONCEPTUS II.

Invaserat Spiritus malus Regem Saul: David, gener & domesti- cus Regis Saul, quid facit? An fors obsessum fugit? minimè: ob- fesso adstat intrepidè, citharâ suâ refocillat Saul, ita Textus 1. Re- gum cap. 16. *Quandocunque Spiritus Domini malus arripiebat Saul, David tollebat citharam, & percutiebat manu suâ, & reso- cillabatur Saul, & levius habebat, recedebat enim ab eo Spiritus malus.* Dum Spiritus malus à Saul recessisset, fugit David, atque à Saul declinat: ita Textus 1. Regum 18. *Declinavit David à facie Saul.* Mirabile hoc, obsesso à Spiritu malo Saul, David intrepidus adstat; à Spiritu hoc malo Saul liberato, David declinat, & fugit: Cur hoc? An quid pejus Spiritu malo, David fugit atque declinat? & quid illud malo Spiritu pejus & deterius esse potest? est hoc pes- sima discordia, malus affectus, rancor, & livor, quem Saul adversus David in corde gessit. *Non rectis ergo oculis, Saul aspiciebat David.* 1. Regum cap. 18. Discordiam, livorem, rancorem, malum affe- ctum, David diabolo pejorem judicat, fugit, atque declinat: siqui- dem à Spiritu malo agitated Saul, David nocere non tentavit: à discordiâ, livore, & rancore cordis verò stimulated Saul, lanceâ David transfigere, iteratò tentat. Præclarè Basilius Seleuciensis. Orat. 16. *Paululum à Dæmonis exitu levatus Saul & adversorum deterâ caligine, in David, quem præsentem cognoverat, hastam ejaculatus, medicine pretium, cadem obtulit.*

## CONCEPTUS III.

Signanter adnectit Scriptura, 1. Regum 17. cap. Goliath an- tecessisse armigerum, *appropinquans adversum David, & armiger ejus ante eum.* Rupertus Abbas lib. 2. de Trinit. cap. 5. per Goliath, intel-

K k

intel-



intelligit discordiam: Quid enim Goliath, nisi homo contentiosus, qui provocat Israël ad pugnam, & ad certamen? Quis ejus armiger? Respondet Rupertus: *Armiger ejus egestas*, quasi dicitur & doceret citatus Doctor, discordiam pessimum esse Spirituum, ad egestatem, ac interitum temporalem & aeternum, discordes ducit, ac præcipitat: uti insinuat S. Paulus, ad Galatas cap. 5. *Si invicem morderis, videre, ne ab invicem consumamini.* Hinc capio verba Osee cap. 10.

#### CONCEPTUS IV.

*Transire fecit Samaria Regem suum, quasi spumam super eam aqua.* Discordiæ erant in Samaria; Pars populi idola adoravit in excessis, pars in Jerusalem verum cultum sequebatur. Spumæ aquæ, discordes comparantur, cur spumæ? Quid modo caducum, ac transitorium spuma? subito evanescit, & in nihil reducitur: Sic discordes interibunt, in nihilum reducentur. Omne Salustius: *Discordiâ, res maxime dilabuntur. Ubi discordia non est protector Deus.* S. Hieronymus in Psal. 75.

#### CONCEPTUS V.

Genesis cap. 1. legitur, quod Deus omnipotens, mundi incipit creationem, primâ die creaverit lucem, lucemque ut bonam probaverit: *Et factum est vespere & mane dies unus, & creavit Deus lucem, quod esset bona.* Idem hoc ait de tertio, quarto, & reliquis diebus; secundo die verò creat firmamentum, & deinde non replicat verba, quæ in Principio creationis dixerat: nec quod esset bonum: An non opus hoc secundæ diei, omnipotentis divinæ attributum est, uti reliquorum dierum opera? Cur non opus secundæ diei, ut bonum non laudat? non benedicit? S. Hieronymus indicat causam, ob quam Deus operi secundæ diei non benedixerit, illud non laudaverit; observans, quod sit opus separationis, divisionis, disjunctionis, opus secundæ diei: ita Textus: *Deus firmamentum, & divisit aquas, quæ erant sub firmamento, ab his, quæ erant super firmamentum.* Operi, quod separationem, divisionem, disjunctionem, non laudat, non benedicit.



divisionem, disjunctionem notat, non benedicit Deus? ad innuendum, discordias, dissensiones, divisiones animorum, odio habere Deum: Similiter loco, cœtui, familiæ, ubi dissensiones, discordiæ sunt, non benedicere, sed benedictionem subtrahere, unde perniciæ, & interitus certus subsequitur. Audiamus verba S. Hieronymi ad Jovinianũ. *In die secundo, non additum est, sicut in primo, & tertio & reliquis: vidit Deus, quia bonum est: statimque subjeceram, intelligentiam nobis relinquit, non esse bonum, duplicem numerum, qui ab unione dividit.*

## CONCEPTUS VI.

Observat citatus magnus S. Hieronymus: Animalia omnis generis in Arcam Noë intrasse: intrarunt aliqua animalia bina & bina, alia sola & sola; illa, quæ sola & sola intrant in arcam, animalia munda dicuntur: illa verò, quæ bina & bina procedunt, animalia immunda pronuntiantur: immundum à Deo censei, est Deo displicere; immunda ab arâ & sacrificio rejicit Deus: immunda pronuntiantur, quæ bina & bina, in Arcam ingrediebantur animalia; ergo Deo displicentia, à Deo abjecta. Sed cur rectè immunda habentur animalia, quæ bina gradiuntur in Arcam? An fors, quia binarius numerus dualitatem, divisionem significat? Sic concludit S. Hieronymus. *Unde & in Arcâ Noë, omnia animalia, quæcunque bina ingrediuntur, immunda sunt, impar numerus est mundus, numero Deus impari gaudet.* In unitate sibi Deus complacet, numerum unum acceptum habet, mundum gratum sibi reputat; econtrà dualitatem, numerum binarium, qui divisionem, disjunctionem designat, immundum, ingratum reprobat, & rejicit: Discordes ergo Deus reprobat, dissentientes rejicit.

## CONCEPTUS VII.

Duâs res observatu dignissimas, Ildephonsus de Padilla Annot. 9. in Habac. cap. 1. disc. 6. acutè ponderat: nempe Christum ascendentem in cœlum, tardè per Aera fursùm elevatum esse: *Videntibus illis elevatus est; Act. 1.* Quamprimùm Christus cœlum primum,

K k 2

mum,



mum, empyreum, & stellarum attigit, velocissimo volatu, & rapidissimo motu pertransiit. *Raptus est Filius Dei, ad Deum, & thronum ejus.* Apocal. cap. 12. Cur tam properanter, citò, velociter, cœlum empyreum pertransit? Filios Israël decrevit Dei beneficentia, manna & coturnicibus pascere, & exhilarare, hæc tamen divinitate; coturnices in ipsa castra, in copiâ immisit, manna vero Deus, non intra, sed extra castra depluit: ita Textus Evangelic. 16. cap. *Factum est ergo vespere, & ascendens coturnix cooperavit castra, manè quoque ros jacuit per circuitum castrorum.* Cur quæ non etiam manna, uti coturnices, intra ipsa castra depluit? cur etiam manna extra castra bonus Deus præbuit? ad utramque quæstionem respondeo: primò, cur tam properanter, citò, velociter, cœlum empyreum pertransiit? notum est, in cœlo prima, & pyreo inter luminaria continua est discordia, pugna, & dissensio. Sol contrariatur Lunæ, hæc Soli, unde eclypses oriuntur, sidera tibi oppositis, continuo sibi ipsis contrariantur; unum versus Orientem movetur, alterum versus Orientem movetur, nec solum unum alteri contradicit, sed sibi ipsi quodlibet opponitur, & contrariatur, nam eo tempore, quo naturali motu, de Occidente ad Orientem movetur, rapto motu, de Oriente ad Occidentem trahitur. Hæc ergo cœlorum contrarietas, & oppositio, causa fuit, ob quam Christus velocissimè cœlum empyreum præteriret, ad indicandum discordes Deum omninò vitare, præterire, cum discordibus, ad instans DEUM manere, sed omninò eos deserere, abjicere, & probare; Hinc etiam manna, non intra castra, ut coturnices, sed extra castra depluit: Manna, typus gratiæ Dei est, castra, belligeros, discordantium sunt habitacula: Manna gratiæ typum, non intra, sed extra castra depluit; ad innuendum, gratiam suam, non Deum discordibus communicare, sed in perniciem, & exitium, adducere à divinâ gratiâ exulare. Audiamus Berchorium. Verbo *Deus viros pacificos visitat, & cum eis spiritualiter habitat, & eorum consortium diligit, & frequentat: quando enim apes in alveis strepitant, & clamorem, & discordiam faciunt, signum est, quòd Rex vult alveare dimittere, & ad locum alium se transferre; sic etiam Rex noster Deus, alveare cordis, & societatis dimittit, ubi lites, & discordias esse sentit.*

*Epilogus.*

Hortor ergo cum S. Paulo ad Rom. 13. cap. *Non in contentione, & amulatione, sed induimini Dominum Jesum Christum. Amen.*